



MIUNGANISHO

New England Patriots Corliss Waitman na wachezaji wenzake walijiunga na wanafunzi wa Young Woods kuanza mwaka mpya wa shule na kushiriki umuhimu wa mahudhurio!

KONA YA AFISA MKUU MSIMAMIZI

TAREHE 4 OKTOBA, 2023

Tumekuwa tukijitahidi ili kuhakikisha kwamba usaidizi ufaao wa kimasomo na kijamii na kihisia unapatikana ili wanafunzi waweze kuimarika katika mwaka huu wa masomo. Na, tunafurahi kuwajulisha kwamba, chini ya Mpango wa Kufanya Mabadiliko katika Providence, tumefungua shule tatu mpya mwaka huu kama sehemu ya mpango wetu wa ujenzi wa shule wa \$ milioni 600+ ambao utaongeza asilimia ya wanafunzi wanaojifunza katika nafasi ya hali ya juu kutoka 5% tu kwa sasa, hadi 50%! Nilipata fursa ya kutembelea majengo yetu mapya na shule nyingine kadhaa ambazo ni mpya siku ya ufunguzi na nikajionea shauku ya wanafunzi, wazazi na walimu. Tulianza kwa nguvu na tunatarajia kuwa na mwaka wa masomo wa mwaka 23-24 wenye tija. Hata hivyo, ninahitaji msaada wako katika kuhakikisha kwamba mtoto wako yuko shuleni, kwa wakati, kila siku.

Mojawapo ya njia bora za kuhakikisha kwamba wanafunzi wana mwaka mzuri ni kupitia mahudhurio. Ili kukuza mahudhurio na kuongeza ufahamu wa athari za utoro, Wilaya ya Shule ya Umma ya Providence (PPSD) hivi karibuni iliwasilisha pakiti za **Mashujaa wa Hudhurio** kwa wanafunzi wote ambazo zinajumuisha:

- Sumaku za kufuatilia mahudhurio kwa kutumia kalenda ya masomo
- Ahadi za mahudhurio kwa wazazi na wanafunzi kutia saina
- Tafadhali tumia zana hizi pamoja na mtoto wako, ili kumkumbusha jinsi mahudhurio ni muhimu na kuahidi kufikia mahudhurio kamili mwaka huu wa shule.

Kutokuwepo shuleni kunaongezeka haraka na kunaweza kusababisha madhara makubwa. Kwa mfano, ikiwa mwanafunzi atakosa siku moja kila baada ya wiki mbili, hiyo ni sawa na siku 20 bila shule (takriban wiki 3) kwa mwaka. Mwanafunzi ambaye amekosa siku 18 (kama wiki 2 na nusu), anachukuliwa kuwa aliyekosa kuwepo kwa muda mrefu katika Rhode Island. Mwanafunzi anapokosa kuwepo kwa muda mrefu, anaweza kurudi nyuma na hii inatia shaka kuhamishwa kwake kwa darasa jingine.

Wanafunzi wanapaswa kuwepo na kuwa tayari kujifunza kila siku. Kwa msaada wako, utunzaji na usaidizi wako, tunaweza kufanya kazi pamoja ili kufikia mahudhurio kamili ya mtoto wako. Hebu tujitahidi kuwa Mashujaa wa Mahudhurio mwaka huu wa shule na kuhakikisha wanafunzi wetu wanaweza kufaulu!

Asante kila wakati kwa imani unayoweka kwetu kila siku.



DKT. JAVIER MONTAÑEZ
AFISA MKUU MSIMAMIZI



TAARIFA MPYA ZA WILAYA

KLINIKA ZA MAFUA ZA PPSD

PPSD itakuwa na kliniki za mafua shuleni/jamii mwezi huu. Kliniki zote hazina malipo, zinafunguliwa kwa kila mtu, na zinaendeshwa kuanzia saa kumi hadi saa moja jioni (4:00 p.m. to 7:00 p.m.) katika maeneo yafuatayo:

- **Nathanael Greene Middle School**
721 Chalkstone Avenue (02908)
Jumane, tarehe 10 Oktoba, 2023 kuanzia saa kumi hadi saa moja jioni (4:00 p.m. to 7:00 p.m.)
- **JSEC**
182 Thurbers Avenue (02905)
Jumane, tarehe 24 Oktoba, 2023 kuanzia saa kumi hadi saa moja jioni (4:00 p.m. to 7:00 p.m.)
- **DelSesto Middle School**
152 Springfield Street (02909)
Alhamisi, tarehe 9 Novemba, 2023 kuanzia saa kumi hadi saa moja jioni (4:00 p.m. to 7:00 p.m.)

MTIHANI WA KUINGIA WA CLASSICAL HIGH SCHOOL

Kuita wakaazi wote wa darasa la 8 huko Providence! **Mtihani wa Kuingia wa Classical High School** utafanyika **Jumamosi, tarehe 21 Oktoba, 2023** kuanzia saa moja na dakika arobaini na tano asubuhi hadi saa saba alasiri (7:45 a.m. to 1:00 p.m.) kwa wanafunzi wa darasa la 8 katika **DelSesto Middle School, Esek Hopkins Middle School, Gilbert Stuart Middle School, Nathan Bishop Middle School, Roger Williams Middle School, na West Broadway Middle School.** Wanafunzi wa darasa la 8 wanaosomea shule za kibinafsi, shule za parokia, **Nathanael Greene Middle School, na Times 2 Academy Middle School** watafanya mtihani **Jumamosi, tarehe 28 Oktoba, 2023** kuanzia saa moja na dakika arobaini na tano asubuhi hadi saa saba alasiri (7:45 a.m. to 1:00 p.m.). Mwanafunzi yeyote ambaye hawezi kuhudhuria tarehe yoyote ya mtihani ataweza kufanya mtihani **Alhamisi, tarehe 26 Oktoba 2023** kuanzia saa moja na dakika arobaini na tano asubuhi hadi saa saba alasiri (7:45 a.m. to 1:00 p.m.). Kwa maelezo zaidi kuhusu Mtihani wa Kuingia wa Classical High School, tafadhali tembelea <https://www.providenceschools.org/domain/100>.

MSHUKURU MWALIMU

Jumamosi iliyopita, tulisherehekea walimu wetu stadi wakati wa WaterFire ya **Idara ya Elimu ya Rhode Island: Tukio la Msalimu Mwalimu** katika eneo la biashara la mji wa Providence. Hongera kwa walimu wafuatao wa PPSD kwa tuzo na sifa zao:

John Healy wa E-Cubed Academy: Mwalimu Bora wa Uraia wa Mwaka

Francesca LeClerc wa Classical High School: Mwalimu wa Wilaya wa Mwaka

Lindsay Paiva wa Webster Ave Elementary School: Mshindani wa Fainali wa Mwalimu Bora wa Mwaka wa RI

Krista Taft wa PCTA: Mkufunzi wa Mwaka wa CTE

Gina Vessella wa Central High School: Mfanyakazi Bora wa Kijamii wa Shule wa Mwaka

Kimberly Yaew wa PCTA: Mkutubi Bora wa Shule wa Mwaka

Hongera kwa wote, na asanteni kwa yote mnayofanya kwa wanafunzi wetu na Wilaya!





Hapo juu, Mashujaa wa Usawa wa Wanafunzi na Mabalazi wa Usawa wa Walimu walitambuliwa na Bodi ya Shule jana usiku kwa huduma yao baada ya kushiriki katika chuo cha uongozi cha usawa cha wanafunzi cha PPSD majira ya joto na mafunzo ya uongozi wa usawa yanayofadhiliwa na Ofisi ya Usawa na Kujisikia Nyumbani ya Shule za Umma ya Providence.

USAWA NA KUJISIKIA NYUMBANI

Baraza la Ushauri la Usawa la PPSD

Baraza la Ushauri la Usawa la PPSD litakuwa na mkutano wake wa kwanza wa mwaka wa shule tarehe 5 Oktoba saa kumi na nusu jioni (4:30pm) katika 797 Westminster St., Vyumba vya Bodi ya Shule B na C. Linajumuisha wanafunzi, walimu, wazazi na washirika wa jumuiya, Bodi inashirikiana kwa uangalifu ili kupaza sauti za jumuiya zetu mbalimbali kwa kuwashauri wafanyakazi wa Wilaya, kutoa michango, na kusaidia kuweka kipaumbele katika juhudi za usawa za wilaya, sera, mikakati na uwekezaji. Ikiwa ungependa kushiriki katika kazi hii, tafadhali tuma barua pepe kwa equity@ppsd.org.

Mkutano wa Uongozi wa Usawa wa Wanafunzi wa RESPECT

Tarehe 24 Oktoba, mfululizo wa Mkutano wa Uongozi wa Usawa wa Wanafunzi wa RESPECT utanza ili kuwaleta pamoja wanafunzi kutoka shule za kati na za upili za PPSD ambao wamechaguliwa na viongozi wao wa shule ili kuwakilisha wenzao. Wanafunzi wataunda mipango ya utekelezaji wa mradi ili kukuza usawa katika jumuiya zao za shule, na kufanya kazi kwa ushirikiano na viongozi wa watu wazima ili kutekeleza mipango yao. Wanafunzi watakutana tena tarehe 1 Februari 2024 na tarehe 30 Mei, 2024.

Mikutano ya emPOWER kwa ajili ya Walimu Wasio Weupe

Mkutano wa kwanza wa emPOWER wa mwaka wa shule utafanyika tarehe 10 Oktoba, 2023. Mikutano ya emPOWER kwa ajili ya Walimu Wasio Weupe ni matukio yanayoandaliwa na Kikundi Kazi cha PPSD DEI ili kuleta walimu wa PPSD pamoja kwa ajili ya uchangamano, kujenga jumuiya, vipindi vya maoni ya wazi, maendeleo ya kitaalamu/uongozi, ushauri, na kuweka malengo. Njoo ufurahie muziki, viburudisho, na kusikia kutoka kwa wenzako katika Wilaya na viongozi wengine katika jumuiya wanaofanya kazi nzuri. Walimu wote wa PPSD wanakaribishwa. Tafadhali jisajili [hapa](#).

Ruzuku za Equity Boost

Ruzuku za Equity Boost bado zinapatikana na zinakusudiwa kuwawezesha wanafunzi na walimu kujaribu mawazo mapya na ubunifu unaounga mkono ufundishaji na ujifunzaji wenye mfano, huku wakiendelea uelewa na shukrani za kitamaduni, ahadi za kupinga ubaguzi wa rangi na uelewa wa ushiriki wa raia na demokrasia. Ruzuku za Equity Boost zitafadhili miradi ya shuleni kati ya \$500 na \$4900. Maombi yanakubaliwa kama yanavyopokelewa hapa: <https://forms.gle/3esuPey7mPHm1L1v8>

NI HABARI NJEMA: PPSD KWENYE VYOMBO VYA HABARI

- [ABM Industries Wanashirikiana na Providence Public School District ili Kuboresha Uendeshaji kote City Globe Newswire, tarehe 5 Septemba, 2023](#)
- [Nusu ya wanafunzi wa shule ya umma ya Providence hawakuhudhuria masomo kwa muda mrefu mwaka uliopita WJAR, tarehe 21 Septemba, 2023](#)
- [Kuweka Matofali Mbele ya Watoto Boston Globe, tarehe 22 Septemba, 2023](#)
- [Ripoti: Changamoto kubwa zinazokabili shule za umma za R.I. Boston Globe, tarehe 28 Septemba, 2023](#)



KUANGAZIA SHULE

NATHANAEL GREENE MIDDLE SCHOOL



Mwalimu Mkuu: Dkt. William Reilly

Walimu Wakuu Wasaidizi: Jaime David, Amy Marshall, na Luis Rodriguez

Ni nini hufanya shule yako kuwa ya kipekee?

Nathanael Greene Middle School (NGMS), nyumbani kwa Bucks, ndio mpango mkubwa zaidi wa Providence wa madarasa ya 6-8 wa shule ya kati ikiwemo kujitegemea, ujumuishaji, MLL na wasomi wa hali ya juu. Greene ni nyumbani kwa programu ya ajabu ya sayansi ya kompyuta, bendi ya wanafunzi wenye vipaji vinavyoongezeka, michuano mingi ya michezo, wanafunzi wa ajabu na walimu wanaofanya kazi kwa bidii.

Je, kuna mambo mapya ya kusisimua yanayozinduliwa katika shule yako mwaka huu?

Huu ni mwaka WETU! Tumefurahi sana kuleta NGMS mpya na iliyoboreshwa kwa wanafunzi na familia za Providence mwaka huu! Kabla ya majira ya joto, kitivo cha Greene na wafanyakazi walitengeneza maono mapya kabisa pamoja na vipaumbele vitatu vipya vya mafundisho: mafundisho ya kikundi kidogo, mzunguko wa kituo, na utofautishaji. Vyumba mbalimbali vidogo na sehemu za awali za kuhifadhi zimegeuzwa kuwa nafasi za uingiliaji wa vikundi vidogo vyenye fanicha za kisasa za kujifunzia na nyenzo za kutekeleza uingiliaji 4-6 unaolenga mahitaji ya mwanafunzi binafsi. Pia tumeunda vituo vya kufundishia vya vikundi vidogo katika kumbi zote za shule na tunaunda upya ukumbi ili kujitolea kwa mafunzo ya vikundi vidogo pia. Nafasi yetu ya maktaba imejengwa upya ili kukuza mafunzo ya karne ya 21, na kuongeza nafasi ambayo itaendeleza mipango yetu kali ya sayansi ya kompyuta. Kinachofuata? Nyota mbili!



Je, maono au lengo lako ni lipi kwa shirika lako la wanafunzi kwa mwaka wa shule 2023-24 kwa wakati huu?

Maono yetu ni kuifanya NGMS kuwa fikio la elimu na kuondoka kwenye hadhi ya nyota moja. Ili kufika huko, tumeunda mkakati wa uandishi wa shule nzima ambao unatumika katika madarasa yote, mpango wa uandishi wa kila wiki wa RICA, uingiliaji kati wa vikundi vidogo na nafasi zilizoratibiwa, na timu za Kusoma na Kuandika na STEM. Tunataka Bucks wetu watayarishwe na kufahamu fursa zote zinazopatikana siku zijazo na wao kujua kwamba wanaweza kuchukua chochote!

Je, una lengo gani kwa wafanyakazi katika mwaka wa shule 2023-24?

Lengo letu la wafanyakazi ni kuongeza utamaduni katika jengo na kuzingatia maendeleo yao ya mzunguko wa kituo, maagizo ya kikundi kidogo, na utofautishaji. Tumeanzisha milo ya mchana ya kila mwezi, mikusanyiko ya wafanyakazi, mafunzo ya maendeleo ya kitaalamu, na wakati wa ushirikiano ili kukuza uhusiano wao wa kitaalamu na ukuaji. Swali letu kuu ni nini unachohitaji na tunaweza kukusaidia vipi. Katika Greene, sisi ni timu ambayo sote tunapiga makasia mashua kuelekea upande mmoja.

Je, shule yako ina rangi ya mascot au ya shule?

Sisi ni Nathanael Greene Bucks na rangi zetu za shule ni kijani na dhahabu.

Je, kuna kitu kingine chochote ambacho ungependa kushiriki na jumuiya ya PPSD?

Tumefurahi sana kwa mwaka huu na tunasubiri kwa hamu kuona mambo yote mazuri ambayo shule yetu itatimiza! Tuna wafanyakazi wa ajabu na wanafunzi na tunajua kwamba mustakabali wa Greene ni angavu! Nenda Bucks!

KUWASHEREHEKEA WANAFUNZI

Wanafunzi wetu wanaofanya kazi kwa bidii na wenye vipaji wanafanya mambo mazuri kila siku. Hapa kuna mifano michache.



NEW ENGLAND PATRIOTS WAREJEA KWENYE YOUNG WOODS ELEMENTARY SCHOOL

"Tunajihisi vipi kuhusu ... kuongeza mahudhurio yetu?" aliliza **Kapteni Matthew Slater** wa New England Patriots kwa sauti kubwa akiwa na mkewe, **Shahrazad Ehdavand, MD**. "Ah ndiyo!" walijibu wanafunzi wa Young Woods wakiongozwa na mtangazaji wa Patriots Mike Riley.

Tarehe 26 Septemba, wachezaji na washangiliaji wa **New England Patriots** walitembelea **Young Woods Elementary School**. Nahodha **Matthew Slater** na **David Andrews** walikuwa miongoni mwa wale waliokuja kuzungumza na wanafunzi kuhusu kudumisha mahudhurio yao mwaka mzima, pamoja na mpiga teke chipukizi **Chad Ryland**, usalama **Brendan Schooler**, mpiga upondo **Bryce Baringer**, na mpiga upondo aliyestaafu **Corliss Waitman**. **Gavana Dan McKee**, **Afisa Mkuu Msimamizi Montañez** na **Mwakilishi Jose Batista** waliungana na **Mwalimu Mkuu Kimberly Komocar** kuhutubia wanafunzi kuhusu umuhimu wa kujitokeza na kuwepo na kuwa tayari kujifunza kila siku. Wachezaji hao walijibu maswali ya wanafunzi na kueleza kuwa hawangekuwa wachezaji wa kulipwa leo ikiwa hawakuchukulia mahudhurio kwa umakini. **KUWA SHUJAA WA MAHUDHURIO!**



*Wanafunzi na familia walifurahia shughuli wakati wa Usiku wa Urithi wa Kihispania katika **DelSesto Middle School** jana. Wanafunzi walishiriki katika uchoraji na densi huku shule ikiangazia sanaa, mojawapo ya mipango yao ya STEAM. Timu ya DelSesto inafanya kazi ili kujumuisha shughuli za STEAM katika usiku wao wa baadaye wa familia!*



DORIA YA USALAMA YA FOGARTY

Kuna maliwali wapya mjini! **Fogarty Elementary School** iliwataja wanafunzi katika Doria yao ya Usalama ya 2023 - 2024, na kundi hili la wanafunzi lilifurahishwa sana! Wanachama wa Doria ya Usalama ni wanafunzi wa kujitolea wanaofadhiliwa na shule kutoka madarasa ya juu ya msingi. Doria huelekeza watoto, si trafiki. Pia hutumika kama mifano kwa watoto wadogo, ambao wanawategemea.

Wanachama wa Doria ya Usalama wa Shule:

- Wanafuata sheria zote za darasani/shule na kuwaheshimu walimu na wanafunzi kila wakati.
- Wanafika kazini kwa wakati.
- Wanavaa vifaa vinavyofaa. Wanaofanya doria hawataruhusiwa kutekeleza majukumu yao ikiwa hawajavaa mkanda wa doria.
- Wanafanya matangazo ya asubuhi kila asubuhi kwenye intercom, kuongoza shule nzima katika Ahadi ya Utii na Ahadi ya Shule ya Fogarty.
- Wanahudhuria na kushiriki katika mikutano yote ya doria na vipindi vya mafunzo.
- Wana uwezo wa kuwasiliana kwa adabu na ipasavyo na wanafunzi na watu wazima.
- Wanaripoti masuala yoyote hatari ya usalama kwa mwalimu aliye kwenye zamu.

Kwa kawaida, walimu na walimu wakuu huteua wanachama wa doria, ambao hushiriki kwa idhini ya wazazi. Mwalimu kwa kawaida hutumika kama mshauri wa doria. Hongera kwa wale wote waliochaguliwa kuwa sehemu ya Timu ya Doria ya Usalama ya Fogarty Elementary School kwa mwaka wa shule 23-24!

WILAYANI



MWEZI WA WALIMU WAKUU WA KITAIFA

"Hakuna mtu atakayekuwa kiongozi mkuu ambaye anataka kufanya yote mwenyewe au kupata sifa zote kwa kufanya hivyo."

-Andrew Carnegie

Oktoba ni Mwezi wa Walimu Wakuu wa Kitaifa, na tunataka kuchukua fursa hii kuangazia Walimu Wakuu wote wa ajabu wa PPSD! Bidii yao iliyojificha mara nyingi huwa haionekani na mwezi huu tuna fursa ya kuangazia uongozi wao wa kupigiwa mfano. **Asante kwa yote unayofanya kila siku kwa wanafunzi wetu, wafanyakazi, familia na jumuiya.**



MAONYESHO YA CHUO NA TAALUMA

PPSD hivi majuzi walifanya **Maonyesho yao ya Chuo na Taaluma** kwa wanafunzi wa shule za upili, ambapo walipata fursa ya kuzungumza na wawakilishi kutoka vyuo vya eneo husika na biashara kuhusu hatua zao zinazofuata baada ya shule ya upili. Asante sana vyuo vyote, vyuo vikuu, na mashirika yote yaliyofika **Providence Career and Technical Academy (PCTA)** ili kuzungumza na wanafunzi katika Maonyesho ya Chuo na Taaluma!

WEKA ALAMA KWENYE KALENDA ZENU!

- **SIKU YA WATU WA KIASILI (HAKUNA SHULE)**
Jumatatu, tarehe 9 Oktoba, 2023
- **KLINIKI YA MAFUA YA JAMII**
Jumanne, tarehe 24 Oktoba, 2023
4:00 p.m. - 7:00 p.m.
JSEC, 182 Thurbers Ave.
- **MAONYESHO YA SHULE YA UPILI** kwa madarasa ya 7 + 8
Alhamisi, tarehe 12 Oktoba, 2023
5:00 pm - 7:00 pm
PCTA, 41 Fricker St.
- **KLINIKI YA MAFUA YA JUMUIYA**
Jumanne, tarehe 10 Oktoba, 2023
4:00 p.m. - 7:00 p.m.
Nathanael Greene Middle School
721 Chalkstone Ave.
- **MTIHANI WA KUINGIA WA CLASSICAL HIGH**
Jumamosi, tarehe 21 Oktoba, 2023 na
Jumamosi tarehe 28 Oktoba, 2023
7:45 a.m. - 1:00 p.m.
Classical High School, 770 Westminster St.
- **MTIHANI WA KUINGIA WA CLASSICAL HIGH** Tarehe ya Maadhimisho ya Kidini
Alhamisi, tarehe 26 Oktoba, 2023
7:45 a.m. - 1:00 p.m.
Classical High School, 770 Westminster St.

MENYU YA SHULE YA OKTOBA



Providence
Schools

© 2023 Providence Public Schools · communications@ppsd.org · www.providenceschools.org

Mambo ya kulisimua yanatokea katika Wilaya nzima na tunataka kueneza ujumbe! Ikiwa una mpango, hafla, Mfanyakazi au mwanafunzi mwenye hadithi nzuri ajabu ambayo ungependa kuonyesha, tafadhali tuma barua pepe kwa communications@ppsd.org.